

Янги Ўзбекистонда эркин ва фаровон яшайлик!

Тошкент вилоятининг Қибрай туманидаги «Янги Ўзбекистон» боғида Ўзбекистон Республикаси давлат мустақиллигининг 30 йиллиги муносабати билан байрам тадбири бўлиб ўтди.



Муаззам “Янги Ўзбекистон” боғи. Ушбу мажмуа ён-атрофи байрамона безатилган. Бу ерда экилган манзарали дарахтлар ва гуллар, барпо этилган сўлим ҳудудлар ҳамда боғнинг марказий қисмидаги муҳташам бадийи обида — Мустақиллик монументи ташриф буюрувчиларга ўзгача кайфият улашмоқда.

Биргина ушбу боғда амалга оширилаётган улкан бунёдкорлик ҳамда ободонлаштириш ишларининг ўзи ҳам мустақиллик берган инъомдан, юксалиш ва тараққиётдан дарак, десак, айни ҳақиқат. Зеро, мустақил, озод ва обод юртга мана шундай объектлар, байрамлар ярашади.

Бежиз ушбу боғ ҳақида тўхталмадик. Бойси бу йилги байрам тантанаси “Янги Ўзбекистон” боғида ўтказилди. Истиқлолимизнинг ўттиз йиллигига бағишлаб бунёд этилган ушбу замонавий мажмуага Ўзбекистон Республикаси Олий Мажлиси Сенати аъзолари, Қонунчилик палатаси депутатлари, ҳукумат

аъзолари, фан, маданият, санъат, спорт намоёндалари, ишлаб чиқариш илгорлари, тадбиркорлар, отахону онахонлар, дипломатик корпус вакиллари, хорижлик меҳмонлар ва турли соҳаларда меҳнат қилаётган юрдошларимиз, ёшлар таклиф этилган. Тадбир аввалида Ўзбекистон Респуб-

ликаси Президенти Шавкат Мирзиёев миллий қадриятларимиз, истиқлол нафасини бахш этувчи ва юксак дид билан безатилган байрамона сахнага ташриф буюрди. Йирилганлар давлатимиз раҳбарини гулдурос қарсақлар билан қутиб олди. Президентимиз кўп миллатли халқимизни энг улуғ ва энг азиз байрам —

Мустақиллигимизнинг 30 йиллик шодийнаси, бугунги шукўҳли ҳамда улуғ айём билан қўтлаб, байрам табригини йўллади, эзгу ҳамда самимий тилакларини изҳор этди.

➡ 4

Ўзбекистон Республикаси Президенти
Матбуот хизмати суратлари.

ВАТАНИМИЗ МУСТАҚИЛЛИГИ — БИЗ УЧУН КУЧ-ҚУДРАТ ВА ИЛҲОМ МАНБАИ, ТАРАҚҚИЁТ ВА ФАРОВОНЛИК АСОСИ

Президент Шавкат Мирзиёевнинг Ўзбекистон Республикаси давлат мустақиллигининг 30 йиллик байрамига бағишланган тантанали маросимдаги нутқи

Ассалому алайкум, қадрли ватандошлар! Мухтарам меҳмонлар! Хонимлар ва жаноблар! Бугун юртимизда улуғ байрам, катта тантана. Кўп миллатли Ўзбекистон халқи жонажон Ватанимиз истиқлолининг шонли ўттиз йиллик тўйини эру шоду хуррамлик билан нишонламоқда.

“Янги Ўзбекистон” деб ном олган мана шу муаззам боғда биз бугун биринчи марта Мустақиллик байрамини ўтказмоқдамиз.

Шу муносабат билан сиз, азизларни, сизларнинг тимсолингизда бутун халқимизни чин қалбимдан табриклаб, ўзимнинг самимий ва энг эзгу тилакларимни билдираман.

Азиз дўстлар! Барчамизга аёнки, эл-юртимиз асрлар давомида озод ва эркин ҳаётни, адолатли жамиятни орзу қилиб яшади. Бу муқаддас мақсад йўлида жон олиб, жон бериб курашди, машаққатли синовларни мардона енгиб ўтди.

Халқимиз қалбидаги хуррият сари эзгу интилишни ҳеч қандай босқин, зулм ва зўравонликлар йўқота олмади. Бунга қўҳна тарихимизнинг ўзи гувоҳ.

1991 йил 31 август кuni мамлакатимиз ҳаёти ва тақдирда туб бурилиш ясаган, том маънодаги буюк тарихий воқеа юз берди. Неча юз йиллар давомида келажакка катта

умид ва ишонч билан қараб, ҳамиша сабрматонат билан яшаган халқимиз улуғ орзусига эришди — ўзининг давлат мустақиллигини қўлга киритди.

Бугунги кўтуғ айёмда барчамиз, бутун халқимиз Ўзбекистон мустақиллигини эълон қилиб, тарихимизнинг энг мураккаб ва оғир даврларида давлатимизни бошқарган Биринчи Президентимиз муҳтарам Исрол Абдуғаниевич Каримов номи, у кишининг бевосита раҳбарлигида, халқимизнинг матонати ва жасорати билан амалга оширилган улкан ишларни эсга олишимиз табиийдир.

Истиқлол йилларида юртимизда янги давлат ва жамият қуриш йўлида муҳим ишлар бажарилди. Қисқа

муддатда мамлакатимиз Конституцияси ишлаб чиқилди. Замонавий давлатчилик асослари, қонун чиқарувчи, ижро этувчи ва суд ҳокимиятлари шаклланди.

Мамлакатимиз мустақиллиги ва суверенитетини, сарҳадларимиз дахлсизлигини, халқимизнинг тинч ва осойишта ҳаётини ишончли ҳимоя қилишга қодир бўлган Қуролли Кучлар барпо этилди.

Миллий валютаимиз — сўм жорий қилинди, олтинвалюта заҳираларимиз шакллантирилди. Қадимий тарихимиз, бой маданий меросимиз, миллий-диний қадриятларимиз, ўзлигимиз тикланди.

Муктасар айтганда, кўпни қўрган халқимиз ўзининг мустақам иродаси ва матонати, беқийс салоҳиятини

намоён этиб, тарихан қисқа фурсат ичида улкан тараққиёт йўлини босиб ўтди.

Ватанимиз жаҳон ҳамжамиятидан муносиб ўрин эгаллади.

Мана шундай буюк тарихий жараёнларда фаол иштирок этиш насиб қилганидан кўпчилик ватандошларим қатори мен ҳам бахтиёрман.

Хурматли тантана катнашчилари! Биз бугун халқчил ва демократик тамойилларга асосланган янги Ўзбекистон давлатини, эркин фуқаролик жамиятини барпо этмоқдамиз. Шу мақсадда аввало бебаҳо бойлигимиз бўйча тинчлик ва барқарорлиқни мустаҳкамлашга энг муҳим вазифа сифатида устувор аҳамият қаратмоқдамиз.

➡ 2

«Янги Ўзбекистон» боғи ва мустақиллик монументи очилди

2021 йил 31 август кuni истиқлолимизнинг ўттиз йиллигига бағишлаб бунёд этилган “Янги Ўзбекистон” боғи ва Мустақиллик монументининг тантанали очилиш маросими бўлди.

Тадбирда Ўзбекистон Республикаси Президенти Шавкат Мирзиёев нутқ сўзлади.

— Бугун барчамиз, кўп миллатли бутун халқимиз жонажон Ватанимиз мустақиллигининг ўттиз йиллик кўтуғу байрамининг қувончи ва шукўҳи билан яшамокдамиз. Азал-азалдан обод шаҳар ва қишлоқлар, боғу роғлар, бетакрор маданий обидалар бунёдқори сифатида шукрат қозонган меҳнатқаш ва олижаноб халқимиз пандемия ва глобал иқтисодий инқироз таъсирига қарамасдан, ушбу тарихий санани муносиб меҳнат зафарлари, улкан ютуқ ва ғалабалар билан қутиб олмоқда, — деди давлатимиз раҳбари.

Ушбу боққа жорий йил 1 май кuni ilk қўчатлар экилган эди. Тарихчи олимлар, ижодкор зиёлилар, нурунийлар ва ёшлар билан маслаҳатлашиб, “Янги Ўзбекистон” мажмуасининг говийи ва меъморий ечимларига алоҳида эътибор қаратилди.

Агар юқоридан назар ташласангиз, боғнинг шакли улкан дарахтининг бешта шохига ўхшайди. Бу эса, Ҳаракатлар стратегиясининг бешта устувор йўналишини раъмзий маънода ифода этади.

Бу гўзал боғда пойтахтимиз аҳолиси, Тошкент вилояти ва барча ҳудудларимиздан, хориждан келадиган меҳмонлар яйраб дам олиши, оиласи, фарзандлари билан бирга мазмунли ҳордиқ чиқариши учун барча замонавий шароитлар яратилмоқда.

Бу ерда сунъий кўл, спорт майдончалари, болалар ўйингоҳлари, амфитеатр, фавворалар, савдо ва хизмат кўрсатиш объектлари, хунармандчилик дўконлари ташкил этилмоқда.

Боғнинг марказий қисмида муҳташам бадийи обида — Мустақиллик монументи барпо этилди.

➡ 3

Янги Ўзбекистоннинг ёрқин тимсоли

Ўзбекистон Республикаси Президенти Шавкат Мирзиёевнинг «Янги Ўзбекистон» боғи ва Мустақиллик монументи очилишига бағишланган тантанали маросимдаги нутқи

Мухтарам ватандошлар! Бугун барчамиз, кўп миллатли бутун халқимиз жонажон Ватанимиз мустақиллигининг ўттиз йиллик кўтуғу байрамининг қувончи ва шукўҳи билан яшамокдамиз.

Азал-азалдан обод шаҳар ва қишлоқлар, боғу роғлар, бетакрор маданий обидалар бунёдқори сифатида шукрат қозонган меҳнатқаш ва олижаноб халқимиз пандемия ва глобал иқтисодий инқироз таъсирига қарамасдан, ушбу тарихий санани муносиб меҳнат зафарлари, улкан ютуқ ва ғалабалар билан қутиб олмоқда.

Мамлакатимизнинг барча ҳудудларида янги-янги қорхоналар, замонавий уй-жойлар, илм-фан, таълим, тиббиёт, маданият ва спорт масканлари, равон йўл ва кўприклар, боғ ва хиёбонлар барпо этилмоқда.

Халқимиз фаровонлигини юксалтириш, ҳаёт даражаси ва сифатини янада яхшилашга қаратилган ўнлаб йирик лойиҳалар, ижтимоий дастурлар амалга оширилмоқда.

Айни дақиқаларда барчамиз яна бир тарихий воқеа, яъни истиқлолимизнинг шонли санасига бағишлаб бунёд этилган “Янги Ўзбекистон” боғи ва Мустақиллик монументининг тантанали очилиш маросимига тўпланиб турибмиз.

Ёдингизда бўлса, биз май ойида кенг жамоатчилик билан бирга яхши ният билан боғ ҳудудида дастлабки ниҳолларни экиб, мажмуага тамал тоши қўйган эдик.

Бугун эзгу орзу-интилишларимиз ижобат бўлиб, қисқа муддатда халқимиз, бунёдқор ватандошларимизнинг азму шижоати билан мана шу улкан майдонда муаззам боғ ва ёдгорлик комплексини барпо этишга эришдик.

Биз тарихчи олимлар, ижодкор зиёлилар, нурунийлар ва ёшларимиз билан маслаҳатлашиб, “Янги Ўзбекистон”

мажмуасининг говийи ва меъморий ечимларига алоҳида эътибор қаратдик.

Агар юқоридан назар ташласангиз, боғнинг шакли улкан дарахтининг бешта шохига ўхшайди. Бу эса, Ҳаракатлар стратегиясининг бешта устувор йўналишини раъмзий маънода ифода этади.

Бу гўзал боғда пойтахтимиз аҳолиси, Тошкент вилояти ва барча ҳудудларимиздан, хориждан келадиган меҳмонлар яйраб дам олиши, оиласи, фарзандлари билан бирга мазмунли ҳордиқ чиқариши учун барча замонавий шароитлар яратилмоқда.

Бу ерда сунъий кўл, спорт майдончалари, болалар ўйингоҳлари, амфитеатр, фавворалар, савдо ва хизмат кўрсатиш объектлари, хунармандчилик дўконлари барпо этилди ва этилмоқда.

Мажмуа ҳудудидаги манзарали ноёб дарахтлар, гулчечаклар одамнинг баҳридлини очади, барчамизни табиат билан ошно ва уйғун бўлиб яшашга даъват этади.

Мажмуа ёнида энг илгор технологиялар ва замонавий андозалар асосида Олимпия шаҳарчаси бунёд этилади. Бу ерда 2025 йили мамлакатимиз меъморлик қиладиган Ёшлар ўртасидаги Осиё ўйинларининг асосий мусобақалари ўтказилади.

Бундан ташқари, ушбу ҳудудда замонавий олий таълим муассасаси, тиббиёт клиникалари, халқаро кўғазма марказлари ва бошқа объектлардан иборат бутун бир янги шаҳарча қурилоқда.

Энг муҳими, барчангиз кўриб турганингиздек, боғнинг марказий қисмида, таъбир жоиз бўлса, унинг юрагида ўхшаши йўқ муҳташам бадийи обида — **Мустақиллик монументи** барпо этилди.

➡ 2

САМИМИЙ ҚУТЛОВЛАР

Ўзбекистон Республикаси мустақиллигининг 30 йиллиги муносабати билан Президент Шавкат Мирзиёев номига хорижий давлатлар ва ҳукуматлар, нуфузли халқаро ташкилотлар раҳбарлари, таниқли жамоат ва дин арбобларидан самимий қутловлар келмоқда.

Уларда хорижий ҳамкорларимиз мамлакатимизнинг истиқлол йилларидаги юксак муваффақиятларини алоҳида қайд этган. Кейинги йилларда демократик янгиланишлар, кўп миллатли халқимиз турмуш сифати ва фаровонлигини оширишга қаратилган кенг қўламли ижтимоий-иқтисодий ислохотлар дастурини амалга оширишдаги натижалар, шунингдек, янги Ўзбекистоннинг минтақадаги етакчи роли эътироф этилишига ва мамлакатимиз халқаро нуфузининг мустаҳкамланишига хизмат қилаётган конструктив ва прагматик ташқи сиёсатни олиб боришдаги ютуқлар таъкидланган.

Мақтубларда давлатимиз раҳбарига янги муваффақиятлар, Ўзбекистон халқига эса тинчлик-осойишталик, фаровонлик ва равақ тилаклари изҳор этилган.

Ўзбекистон Республикаси Президенти Шавкат Мирзиёев Жаноби Олийларига

Жаноби Олийлари! Мамлакатингиз мустақиллигининг 30 йиллиги муносабати билан Ўзбекистон Республикаси халқига энг эзгу тилакларини билдиришга ижозат бергусиз.

Ушбу мураккаб даяларда биз ҳар бир давлат умумий глобал фаровонликка эришиш йўлида ўз хиссасини қўиши нақдара муҳим эканини яна бир бор англаймиз ва шу муносабат билан Сизнинг янги Ўзбекистонини барпо этиш борасидаги қатъий интилишингизни олқишлаймиз.

COVID-19 пандемияси оқибатларини енгиб ўтишда биргаликда ҳаракат қилар эканмиз, янада барқарор ва адолатли жамият барпо этиш учун тикланиш жараёнларидан фойдаланишимиз зарур. Шунинг-

дек, иқлим ўзгаришлари соҳасидаги кечиктириб бўлмайдиган вазифаларни ҳал қилиш борасида дадил ҳаракат қилишимиз, Барқарор ривожланиш мақсадларига эришиш бўйича саъй-ҳаракатларни фаоллаштиришимиз керак.

Мустақиллик кuni муносабати билан умид қиламанки, Ўзбекистон Республикаси Бирлашган Миллатлар Ташкилотининг янада мустақам бўлишига ҳамда барча учун янада фаровон ва янада адолатли дунёни барпо этишга бундан бўён ҳам қўмақлашади.

Жаноби Олийлари, Сизга бўлган юксак хурмат-эҳтиромимни қабул қилинг.

Антоний ГУТЕРРИШ, БМТ Бош котиби

Ўзбекистон Республикаси Президенти Шавкат Мирзиёев Жаноби Олийларига

Ҳурматли Шавкат Миромонович! Ўзбекистон Республикаси мустақиллиги эълон қилинганнинг 30 йиллиги муносабати билан самимий қутловларини қабул қилгусиз.

Мамлакатингиз иқтисодий ва ижтимоий тараққиёт йўлидан дадил бормоқда, жаҳон сахнасида муносиб ҳурмат-эътиборга сазовор бўлиб, минтақавий ва халқаро ишларда конструктив роль ўйнамоқда.

Давлатларимиз ўртасидаги стратегик шериклик ва иттифоқчилик муносабатларини мустаҳкамлашга, барча йўналишларда сермахшўл ҳамкорлиқни кенгайтиришга

катта аҳамият қаратялмиз. Бу Россия ва Ўзбекистон давлатлари дўст халқлари манфаатларига тўлиқ жавоб беради ҳамда Марказий Осиёда хавфсизлик ва барқарорлиқни таъминлаш мақсадида мосдир.

Сизга, муҳтарам Шавкат Миромонович, чин қалбимдан мустақам соғлиқ ва муваффақиятлар, барча юрдошларингизга эса тинчлик-осойишталик, фаровонлик ва равақ тилайман.

Ҳурмат билан,

Владимир ПУТИН, Россия Федерацияси Президенти

